

UNIVERZITET
„PRIVREDNA AKADEMIJA”
BRČKO DISTRIKT
BOSNA I HERCEGOVINA



PRAVILNIK
o radu Centra za izdavačku djelatnost,
istraživanje, nauku i razvoj

Univerziteta „Privredna akademija” Brčko distrikt BiH

Brčko, septembar 2023. godine

Na osnovu člana 7. stav 2. tačka b) i člana 53. stav 1. tačka e) Zakona o visokom obrazovanju Brčko distrikta Bosne i Hercegovine („Službeni glasnik Brčko distrikta BiH“, broj: 30/09, 29/18 i 16/20), člana 21. stav 1. tačka e) Statuta Univerziteta „Privredna akademija“ Brčko distrikt BiH, broj: 1-31/21 od 01.03.2021. godine, Senat Univerziteta „Privredna akademija“ Brčko distrikt BiH, na svojoj redovnoj sjednici održanoj 20.09.2023. godine, donosi:

PRAVILNIK

o radu i organizaciji Centra za izdavačku djelatnost, istraživanje, nauku i razvoj Univerziteta „Privredna akademija“ Brčko distrikt BiH

I OPŠTE ODREDBE

Član 1.

Ovim Pravilnikom uređuje se naziv, djelatnost i organizacija rada Centra za izdavačku djelatnost, istraživanje, nauku i razvoj Univerziteta „Privredna akademija“ Brčko distrikt BiH (u daljem tekstu: Univerzitet), utvrđuju se tijela Centra, radna mjesta potrebna za organizaciju i poslovanje Centra za izdavačku djelatnost, istraživanje, nauku i razvoj (u daljem tekstu: Centar).

Član 2.

- (1) Puni naziv Centra glasi: Centar za izdavačku djelatnost, istraživanje, nauku i razvoj.
- (2) Skraćeni naziv Centra glasi: CENIDINAR
- (3) Uz puni naziv na BiH jezicima, Centar može da koristi i naziv preveden na engleski jezik.
- (4) Puni i skraćeni nazivi Centra ravnopravni su u javnoj upotrebi.

Član 3.

Centar je podorganizacijska jedinica Univerziteta.

Član 4.

- (1) Osnovna svrha Centra je promocija i unapređenje izdavaštva, sadržaja, oblika i metoda istraživanja u visokom obrazovanju, naučnog stvaralaštva kao i unapređenje strategije razvoja Univerziteta „Privredna akademija“ Brčko distrikt BiH u oblasti visokog obrazovanja.
- (2) Posebne djelatnosti Centra su:
 - a) *izdavaštvo* – izdavanje publikacija kao što su zbirke, monografije, brošure, udžbenici, video, audio i drugi referentni materijal na jezicima BiH, engleskom ili nekom drugom stranom jeziku samostalno i/ili u saradnji sa drugim srodnim institucijama uključujući i

prevode na BiH jezike onih radova koji su značajni za promociju obrazovanja i edukacije i drugih srodnih oblasti na međunarodnom nivou.

- b) *Istraživačka djelatnost* – sprovođenje fundamentalnih, razvojnih i primjenjenih istraživanja u području visokog obrazovanja i edukacije,
- c) *Obrazovanje i edukacija* –interdisciplinarno međuuniverzitetsko osposobljavanje i usavršavanje domaćih i stranih studenata na prvom, drugom i trećem ciklusu prema programima koje Centar izrađuje samostalno ili u saradnji sa pojedinim stručnjacima i srodnim institucijama u zemlji i inostranstvu.
- d) *dokumentacijska i informacijska djelatnost* – uspostavljanje elektronske baze podataka dostupne širokom krugu studenata, nastavnika i istraživača u zemlji i inostranstvu koja bi osim programa, istraživačkih projekata, rezultata istraživanja, publikacija, skupova i drugih aktivnosti Centra sadržavala i informacije o srodnim programima, istraživanjima i institucijama u zemlji i inostranstvu.
- e) *naučni i stručni skupovi* – organizacija naučnih i stručnih, domaćih i međunarodnih skupova u području prirodnih nauka, inženjering i tehnologije, medicinske i zdravstvene nauke, poljoprivredne nauke, društveno-humanističke nauke.
- f) *međunarodna saradnja i razmjena istraživača, profesora i studenata* – podsticanje saradnje sa drugim visokoškolskim i istraživačkim ustanovama, institucijama i organizacijama u zemlji i inostranstvu, uključujući i istaknute pojedince te međuvladina i nevladina globalna i evropska udruženja koja djeluju na području obrazovanja i edukacije, osiguranje redovne razmjene istraživača, profesora i studenata u oba smjera u formama kao što su: međunarodni seminari, ljetnje i zimske škole itd.

Član 5.

Aktivnost Centra se ostvaruje kroz direktnu pomoć studentima i roditeljima kao i u izradi i realizaciji godišnjih i/ili višegodišnjih istraživačkih i drugih projekata koje zainteresovani radnici Univerziteta prijavljuju i realizuju kao dio sveukupne aktivnosti Centra a u okviru međuuniverzitetske saradnje u zemlji i inostranstvu.

Član 6.

Centar kroz svoje projekte može uključivati u postojeće mreže srodnih institucija koje podržavaju međunarodne organizacije u procesu realizacije međunarodnih programa i projekata.

II UPRAVLJANJE CENTROM

Član 7.

- (1) Radom Centra koordinira Prorektor za nauku, istraživanje i razvoj Univerziteta.
- (2) Koordinator Centra brine se o radu Centra, priprema plan rada i godišnji izvještaj o radu Centra i za svoj rad direktno odgovara Senatu i Rektor Univerziteta.
- (3) U slučaju spriječenosti poslove koordinatora preuzima osoba koju imenuje Rektor Univerziteta.

III TIJELA CENTRA

Član 8.

- (1) Centar može imati savjetodavni Odbor sastavljen od domaćih i stranih naučnika i stručnjaka s međunarodnim ugledom u područjima koje preferira Centar kao i zamjenika koordinatora Centra.
- (2) Savjetodavni odbor ima zadatak da podstiče rad Centra, pruža ekspertne i savjetodavne usluge, osigurava domaću i međunarodnu podršku za cjelokupni rad Centra te se brine o kvalitetu rada Centra.
- (3) Članove Savjetodavnog odbora i njihov broj predlaže koordinator Centra, prihvata Senat Univerziteta i potvrđuje Rektor Univerziteta.
- (4) Savjetodavni odbor sastaje se najmanje jedanput godišnje a obavezno prije početka projektnog razdoblja i izrade i usvajanja novog programa rada Centra. Po potrebi sastanci Savjetodavnog odbora mogu se održavati putem elektronske pošte i/ili telekonferencije.
- (5) Savjetodavnom odborom predsjedava koordinator centra ili najstariji član Savjetodavnog odbora u odsustvu koordinatora Centra. Koordinator Centra priprema sastanke i vrši kontrolu realizovanja zaključaka.
- (6) Veći projekti, međunarodnog karaktera mogu imati i svoje posebne savjete sastavljene od domaćih i međunarodnih naučnika i stručnjaka. Rad takvih savjeta spada u nadležnost voditelja pojedinog projekta.
- (7) Centar kao svoje odgancione jedinice ima kancelarije i to:
 - a) Kancelarija za istraživanje u oblasti cjeloživotnog obrazovanja;
 - b) Kancelarija za savjetovanje studenata,
 - c) Kancelarija za istraživanja u oblasti karijernog savjetovanja;
 - d) Kancelarija za transdisciplinarna istraživanja i promociju održivog razvoja;
 - e) Kancelarija za istraživanja u oblasti ljudskih prava,

- f) Kancelarija za istraživanje savremenih metoda u pripremi i izdavanju publikacija,
- g) Kancelarija za istraživanje i praćenje indeksiranosti i citiranosti
- (8) Svaka kancelarija ima svog voditelja i dva pridružena člana iz oblasti koju pokriva.
- (9) Rad kancelarija Centra prati koordinator Centra.

IV RADNICI CENTRA

Član 9.

- (1) Centar inicijalno nema stalno zaposlenih radnika.
- (2) Voditelji projekata mogu zatražiti od koordinatora Centra da se privremeno dok traje realizacija projekta, angažuje određen broj (administrativnog i tehničkog) osoblja.

V FINANSIRANJE CENTRA

Član 10.

- (1) Finansiranje aktivnosti Centra vrši se u skladu sa finansijskom politikom finansiranja djelatnosti obrazovanja Univerziteta. Finansiranje projektne aktivnosti centra biće zasebno uređeno uzimajući u obzir svrha i karakter svakog pojedinačnog projekta.
- (2) O finansiranju Centra, odnosno finansiranju svake pojedinačne aktivnosti Centra brine koordinator Centra.
- (3) Koordinator Centra u pogledu pribavljanja potrebnih sredstava za pojedinačne aktivnosti Centra sačinjava prijedlog Senatu i Rektoratu Univerziteta.

VI OBAVEZE UNIVERZITETA PREMA CENTRU

Član 11.

Univerzitet:

- a) osigurava Centru potrebne prostorije za nesmetan rad prema programu rada Centra, telefonsku liniju, najmanje dva internet priključka i najnužniju kancelarijsku opremu.
- b) izvršava sve servisne intervencije na ustupljenoj telefonskoj instalaciji i internet mreži,
- c) omogućava Centru izradu posebne WEB-stranice povezane sa WEB stranicom Univerziteta.

VII OBAVEZE CENTRA PREMA UNIVERZITETU

Član 12.

Centar je dužan:

- a) djelovati u skladu sa Statutom Univerziteta, Pravilnikom o izdavačkoj djelatnosti, ostalim srodnim aktima a značajnim za rad Centra, tradicijom i duhom Univerziteta te raditi na širenju ugleda Univerziteta u zemlji i inostranstvu.
- b) izvještavati o radu Centra na kraju svake kalendarske godine Rektora i Senat Univerziteta.
- c) Izvještaj iz tačke b) stav 1. ovog člana podnosi koordinator Centra. Izvještaj treba da obuhvati realizovane i započete projekte kao i izvještaj o utrošenim finansijskim sredstvima u procesu njihove realizacije.

VIII PRELAZNE I ZAVRŠNE ODREDBE

Član 13.

Ovaj Pravilnik stupa na snagu osmog dana od dana objave na oglasnoj tabli Univerziteta.

Broj: 51-31/23

Datum: 20.09.2023. godine

PREDSJEDAVAJUĆI SENATA
REKTOR